

萬壽聖節便來上指希惠曰這到也老實又指希  
文曰你是孟子後還有英氣在

聖旨即賜筵宴各賞表裏一對花銀一定次日謝

恩辭朝回去遂將旨意書寫家譜以見親承  
寵遇之榮

天順三年十二月二十一日勅封翰林院五經博  
士孟希文父為脩職郎翰林院五經博士

勅曰奉

天承運



皇帝勅曰朕惟老吾老以及人之老此先賢論治天下之道然也肆朕舉隆盛典於廷臣親之老者命必及焉矧在先賢之後顧可以常制拘哉爾孟克仁乃孟子五十五代孫今翰林院五經博士之父克世其家訓成令子降年有永惟德之徵宜錫異恩以示

褒寵茲特封為脩職郎翰林院五經博士爾其祇承

嘉命用迓壽康

天順三年十二月二十一日勅封翰林院五經博

士孟希文母為孺人

勅曰奉

天承運

皇帝勅曰國家褒顯群臣必及其親者所以廣推恩之仁而勸天下之孝也爾孔氏乃翰林院五經博士孟希文之母柔惠端莊閨儀素著慈而能教有子榮官究厥本源宜示褒顯茲特



封為孺人服此

隆恩益綿福祉

成化元年二月十八日奉本府帖文為陪祭事據  
經歷司呈批蒙禮部儀制司主事張案驗奉本  
部劄付前事成化元年三月初十日

聖駕幸太學釋奠

先師孔子所有孔顏孟三氏子孫例合行取赴京  
至期迎接

聖駕陪祀行禮除衍聖公孔弘緒見在仍留外其餘

林院五經博士顏議孟希文合無本部差人馳  
驛前去行取另取孔氏老成族人五人顏孟氏  
族人各二人仍照例一同馳驛前來本年二月  
初一日本部尚書姚等於

奉天門題奏次日奉

聖旨是欽此欽遵令行劄付本官馳驛前去山東兗  
州府着落當該官吏默依本部奏奉欽依內事  
理欽遵行取翰林院五經博士顏議孟希文及  
孔氏老成族人二人顏孟族人各二人等因到



職除依奉外仰山東兗州府經歷司抄案呈府  
即委堂上官一員前去曲阜縣照依本部  
奏奉欽依內事理除取翰林院五經博士顏議  
孟希文外仍拘集三氏族人從公推舉平昔老  
成行止端莊無過犯紀錄在官者孔氏族人五  
人顏孟族人各二人取具委官并各族人互  
保結連人俱於本月十九日送赴當職以憑施  
行毋得徇情妄保及延緩限期不便抄案官吏  
先將不違依准呈來備蒙具呈到府照得本府

委官一節今照本府知事陳在任合委相應擬  
合通行為此除外合仰本縣當該官吏照依案  
驗內事理行取翰林院五經博士孟希文顏議  
仍拘集三氏族人從公推舉平昔老成行止端  
莊無過犯紀錄在官者孔氏族人五人顏孟族  
人各二人取具委官并各族人互保結連人  
俱於本月十九日送府轉送施行奉此擬合就  
行為此除外合行移牒貴職煩照案驗內事理  
速便依限赴府仍於本族推舉平昔行止端莊



無過犯老成族人二人隨同前去仍將舉保過族人  
不扶結狀一樣四本作急牒報以憑轉繳施行須至牒者

○歷代主祀宗子特授恩典

二代仲子乃孟子之子按家譜仲子嘗從學於公孫丑先儒趙岐註以仲子為孟子之從昆弟者非也不仕主奉祀事

三代畢不仕主奉祀事

四代寓不仕主奉祀事

五代舒漢高祖九年為雲中太守文帝即位召

田叔問曰公知天下長者乎叔頓首曰雲中

孟舒是也上曰先帝置舒雲中虜入舒不能

守毋故士卒戰死者數百人長者固殺人乎

叔曰漢與楚相拒士卒罷敝舒知士卒罷敝

不忍言士卒臨城死戰如子為父如弟為兄

以故死者數百人豈故驅戰之哉所以為長

者上曰賢哉孟舒汝後召為雲中守

六代之後不仕主奉祀事



七代昭博覽經史該博貝古今漢為博士

八代但善易道漢武帝時為太子門大夫

九代卿武帝時人善為易春秋授后蒼疏廣世

傳后氏禮疏氏春秋皆於卿

十代喜字長卿從田王孫授易故有孟氏易傳

於世漢宣帝舉孝廉拜為郎遷曲臺署長

十一代磁不仕主奉祀事

十二代典仕漢為尚書

十三代嘗字伯周少探行漢章帝時為郡戶曹

後策孝廉舉茂才拜徐令遷合浦太守郡不

產穀實而海出珠寶與交趾販買糧食嘗到

官求民病利去珠復還後以病自上被徵當

還吏民攀車不得進夜遁去窮澤人慕其德

就居者百餘家桓帝時揚高薦之竟不授

十四代展不仕主奉祀事

十五代臧漢桓帝朝為濟陰太守靈帝即位轉

太常後為太尉

十六代敏字叔達荷亂墮地不顧而去郭林宗



問其意對曰甌以破矣顧之何益林宗異之  
因勸令學知名漢灵帝時三公俱辟並不屈  
十七代光字孝裕博物識古無書不覽漢灵帝  
末為講部吏昭烈定蜀拜議郎後主踐祚為  
符節令屯騎校尉長樂少府遷大司農

十八代康字公休魏明帝為散騎侍郎弘農太  
守領典農校尉勃海太守給事中散騎常侍  
中書令後轉為監封廣

侯註漢書

十九代宗字恭武後避吳主皓字改諱仁少後

李肅學其母為作厚褥大被曰小兒無德致  
客學者多貧故為廣被庶得可與氣類接也  
讀書不懈肅竒之曰卿宰相器也初為軍吏  
母在營夜雨屋漏因起涕泣以謝母母曰但  
當勉之何足泣也後為塩池司馬自捕魚作  
鮓寄母母不授曰汝為魚官以鮓寄我非避  
嫌也母嘗笄冬未生乃入林哀泣而笄出得  
以供母嘉禾未遷吳令永寧中為右御史實  
鼎中為刁空生子揖



二十代揖晉惠帝朝為廬陵太守

二十一代觀字叔時少讀書解天文晉惠帝朝為殿中中郎後為黃門侍郎

二十二代嘉字萬年性冲默有遠量儔類咸敬晉成帝時庾亮鎮武昌版為觀學後事舉秀才為安西將軍庾翼府功曹再為江州別駕巴丘令征西大將軍桓温參軍温重之重九燕龍山落帽事後除尚書刪定即不拜穆帝聞其名賜見東堂以脚疾不仕拜起詔使人

扶入其見優禮如此

二十三代懷玉晉安帝時後宋武帝平京口定建業以功封都陽縣五等侯廬循逼都以戰功為中軍諮議參軍循平封陽豐縣男位江州刺史南中郎

二十四代表字武達仕齊為馬頭太守元魏太和中據郡歸魏孝文帝除南兖州刺史領馬頭太守賜爵譙縣侯後封汝陽縣伯歷濟州刺史散騎常侍光祿大夫齊州刺史贈兖州



刺史謚曰恭

二十五代斌事元魏孝文帝為右丞

二十六代威字能重元魏孝明帝朝為東宮齋

師羽林監累遷沃野鎮將軍鄧閔帝除大鴻

臚卿贈司空

二十七代恂不仕主奉祀事

二十八代儒不仕主奉祀事

二十九代景事隋煬帝為鷹揚郎將

三十代善誼隋恭帝時為河內通守

三十一代詵唐高宗朝擢進士第累遷鳳閣舍

人武后時為春官侍郎相王召為侍讀拜同

州刺史神龍初致仕居伊陽山睿宗召之以

老固辭賜物百段詔河南春秋給羊酒糜粥

名所居為子平里有食料本草傳於世

三十二代大融唐玄宗時隱王屋山

三十三代浩然少好節義喜振人患難隱鹿門

山年四十乃遊京師唐玄宗詔浩然問其詩

浩然自誦所作詩至不才明主棄上曰卿自



不求仕朕未嘗棄卿奈何誣我因放還張九齡守荊州辟置于府府罷病疽卒

三十四代雲卿唐肅宗朝為校書郎

三十五代郊字東野少隱嵩山有詩鳴于世年五十得進士第調滎陽尉唐憲宗朝鄭餘慶為東都留守署水陸運判官餘慶鎮興元奏為參謀卒謚曰貞曜先生

三十六代常謙唐德宗朝為義成軍中軍兵馬使憲宗加朝議大夫安州刺史仍加侍御史

### 安州防遏兵馬使

三十七代遵慶不仕主奉祀事

三十八代瑄唐元和末召不仕主奉祀事

三十九代方立唐僖宗朝為昭義節度留後

四十代承誨事後晉少帝為太府卿

四十一代漢卿事後周世宗為左羽林大將軍  
四十二代貫工詩有不伐有巢樹多移無主花之句後周世宗聞之曰朕伐叛吊民何謂有巢無主因不用主奉祀事



四十三代昶不仕主奉祀事

四十四代白不仕主奉祀事

四十五代寧仕宋仁宗景祐四年龍圖閣直學

士孔道輔守兗州訪孟子墓得鄒四基山問  
其後得寧後薦于朝授鄒縣主簿

四十六代存不仕主奉祀事

四十七代況不仕主奉祀事

四十八代彬不仕主奉祀事

四十九代在值兵革浩蕩不仕主奉祀事

五十代德昌字明甫不仕主奉祀事

五十一代祗祖字性善元至元二十九年特授

益都路儒學教授後陞東昌路在平主簿復  
遷泗水尹兼管諸軍與魯勸農事

五十二代惟誠字致明不仕主奉祀事

五十三代之浩不仕主奉祀事

五十四代思諒任鄒縣主簿

五十五代克仁不仕主奉祀事後因子仕

國朝天順三年贈為脩職郎翰林院五經博士



五十六代希文

國朝景泰三年七月十二日欽奉

聖旨世襲翰林院五經博士主奉祀事

○歷代祭文

宋寧宗四年配祀宣聖祭文

維某年月日具官某敢昭告于

鄒國亞聖公曰惟公後生孔子百有餘歲其知  
聖人如親見之辟闢揚墨三聖是承扶世道民  
以登配祀謹以制幣牲齊粢盛庶品式伸常典

後祀配神尚享

宋寧宗五年頒降州縣祭文

維年月日具官某敢昭告于

鄒國亞聖公曰惟公知言知德亦克允蹈攘剔  
異端以承三聖謹以制幣牲齊粢盛庶品式伸  
明薦尚享

國朝頒降祖廟春秋二祭祝文

維年月日五十六代嫡孫世襲翰林院五經博  
士孟希文敢昭告于



先祖鄒國亞聖公曰言必仁義道惟堯舜扶植  
弘綱千載攸賴今茲仲春謹以牲帛醴齊粢盛  
庶品用伸虔祭以利國侯樂正子配尚享

洪武六年知縣汪繼道敢昭告于

鄒國亞聖公曰惟公生當戰國之時克明性善  
之道非堯舜則不陳功於神禹而可並上承三  
聖道統綿綿某忝膺

命來牧是邦惟公之道德是所景慕焉辨香致敬  
公其鑒知尚享

洪武七年通判徐原敢昭告于

鄒國亞聖公曰惟公被三遷教為百世師尊王  
賤霸非堯舜之道不陳養氣知言惟孔聖之傳  
是式功高神禹今古所宗某學公之學尚公之  
志忝膺朝命佐治濟邦今以王事經過敬具菲  
儀謁廟公其鑒知尚享

洪武八年六月同知賈巖敢昭告于

鄒國亞聖公曰惟公遵三遷教著七篇書當戰  
國分爭之時闡聖賢性學之秘黜霸功而明王



道息邪說而正人心統紹宣尼功配神禹非亞  
聖命世大才其克若是乎某忝以公行道經鄒  
邑敬謁廟庭仰承盛德謹告

洪武九年春二月日山東按察司僉事程思道敢  
昭告于

鄒國亞聖公曰余生於千載之後仰慕千載之  
上賢者何也嘗聞前聖之道既絕而復續異端  
之說既盛而復息人心既邪而復正而孰使之  
然也嗟乎鄒國亞聖公之功也今因巡歷過其  
里瞻其廟禮其像面其孫儼然如親炙之敬者  
豈無自而然哉謹告

洪武辛亥三月日縣丞鄧原忠敢昭告于

鄒國亞聖公曰惟公知言養氣允有實學性善  
一語大啓人心斥異端而道學以明承三聖而  
道統以續况茲鄒邑公之闕里斯民被其德教  
已深矣某忝膺朝命于茲佐理凡公之所以論  
為政者願取法焉微才弗克公其相之謹告

洪武十三年



燕王過鄒致祭于

鄒國亞聖公曰惟公學繼孔子德為亞聖茲者  
欽承

上命之國道經于此謹遣奉祠副余清遠以牲醴致  
祭伏惟鑒之尚享

洪武十四年秋十月有二日豫章余植敢昭告于  
鄒國亞聖公曰韓文公有曰堯以是傳之於舜  
舜以是傳之於禹禹以是傳之於湯湯以是傳  
之於文武周公文武周公傳之孔子孔子傳之

亞聖亞聖度不得其傳焉朱文公又曰孔子傳  
之曾子曾子傳之子思子思傳之孟子而止焉  
然則孟子續千載道統不傳之緒以垂教於萬  
世所謂後孔子而聖者也亞聖大材豈虛譽哉  
某道經鄒里恭謁廟庭不敢以當祭者謹捐俸  
金以貽孟氏之賢子孫友道主祭者為秋祀之  
一助云耳

洪武十六年知縣朱敬敢昭告于

鄒國亞聖公曰惟公聞闢楊墨之功不在於禹



下非堯舜之道不陳於王前當異端害正道之時人欲壞彝倫之際不有先覺孰任斯文某生當千百年之後叨讀七篇補仁義之書每思瞻仰路與時違不如所願欽奉

明命來長鄒邦天遂其心謹以割鬣之儀用表誠敬  
伏惟尚享

成化十一年歲次乙未三月朔日

欽差提督山東學校按察司以事畢瑜謹告于

鄒國亞聖公神位前曰於乎三代以下正學不

明邪說行天下久矣吾上天子沒而微言絕不有  
豪傑如公者出人孰知世無愛非仁為我非義人  
性本善無惡又孰知王道當尊霸功當黜然則  
夫子之後不可無公也明矣公嘗之齊之梁之  
滕拳拳以興學教民為務惜當時皆莫之用今  
聖天子在上王道大行教養無空茲欲率諸生皆明  
正學且知孝弟忠信自鄒魯始公其鄉人也幸  
相之以道我齋食之羞謹告

成化十五年歲次己亥十二月壬子朔越二日癸



丑南京吏部尚書錢溥奉

勅致仕偕南京右軍都督府同知王銓謹以清酌庶羞之奠敢昭告于

鄒國亞聖公曰溥嘗讀仁義七篇而知人性之善夜氣之存足以發前聖之蘊又嘗考世族一譜而知孟仲子之為子王守之訪墓猶存足以祛後世之惑而今也自京歸老詣魯及鄒見原泉混混嘆道躅之彌深仰泰山巖巖識氣象之如在敬奠一觴用酬遺教尚事

成化十七年歲次辛丑七月甲戌朔越三日丙子鄒縣知縣張恭先因本廟祭器損失特捐已俸製以琉璃器完就於是日謁廟告成禮行釋菜告于

鄒國亞聖公曰惟公學本宣尼道宗堯舜仁義七篇千載垂訓恭讀公之書行公之學補報於公祭器是作今茲完備獻于廟庭禮行釋菜敬將以誠惟公德明輔我以政庶事平康

君國是慶尚享



歷代題詠

元

孟廟落成詩二首

易貞主簿

四海衣冠仰聖門  
千年廟貌道為尊  
泰山氣象  
岩岩在邾國  
英風凜凜存柱石  
斯文閱世教棟  
梁宗祀見雲孫  
勾稽式遂遊歌頌  
再拜同沾罔  
極思

亞聖有孫能報本  
一堂新構不忘初  
發揮邾魯  
文風盛經始乾坤  
劫大餘世值隆平  
千載運道  
存今古七篇書况逢

聖主興儒術奎璧光芒夜燦如

謁孟廟

吳能知縣

邾城樓郭白雲邊  
林木蒼蒼尚巋然  
金石勳封  
知幾代蘋蘩薦祀已  
千年雨苔寂寂迷書屋  
秋  
穀離離滿墓田  
今日丹青重繪畫  
邑人猶說子  
孫賢

國朝

黃仲芳參議

邾城南面嶧山岑  
亞聖遺祠振古今  
王道累陳  
功濟世機絲初斷  
毋勞心雲飛盡棟  
開金碧樹



統門墻帶夕陰冠冕堂堂嚴祀典清風百世播  
徽音

楊貢御史

喬木參天統古祠晚從堦下拜先師泰山北斗  
瞻依處烈日秋霜辨論時仁義七篇蒙啓迪綱  
常萬世賴扶持乘駟有幸來鄒邑遠想儀形不  
忍離

薛宣大理卿

鄒國叢祠古道邊滿林松栢帶蒼烟遠同闕里

千年紀近接宣尼百世傳獨引唐虞談性善力  
排楊墨絕狂言功成不讓湮洪水萬古人思命  
世賢

茅大方都御史

鄒國城南有舊祠冕旒遺像儼容儀母賢昔著  
三遷教子聖今為百世師故里尚傳羞俎豆新  
碑還刻斷機絲焚香拜手登車去千古無忘義  
利辭

林榮御史



紛紛功利惑當時斯道綿延一綫垂力掃滯邪  
繼周孔高談仁義斥秦儀長松欲拔繩先繫大  
厦將傾木已支千古嶧山山下廟路人來往不  
勝思

桂孟知縣

七篇述作振儒宗紹聖恢弘蓋代推揚墨已歸  
王道正齊梁未悟伯喈空書藏老屋蒼蒼雨廟  
枕荒郊古木風藻薦一盃澆斷礎擬將微力效  
前功

孟廟落成贊

邠幼學鄉人

鳧嶧之陰坤靈孕秀爰毓亞聖光前繼後亞聖  
謂誰粵維孟氏道統傳心上接洙泗揚墨路塞  
大道榛荆儀秦縱橫治教不行不有哲人生民  
聳首邠實有廟享祀維豐祀享之豐崇德報功  
巍巍榱桷毀于兵燹曰薦曰祀禮弗獲展繫彼  
孝孫孝孫思諒新廟是作遐邇瞻仰牲幣載陳  
豆蓬蒿蓋聖道昭明天地終始

謁廟歌辭

段明德食事



明德巡歷至鄒躬謁亞聖公廟瞻仰之餘乃作  
歌以寓蠡測之意歌成俾其五十四代孫思諒  
習之以祀神歌曰三聖不作世遠言湮衆泄泄  
予上拒孔子相去獲麟百餘歲予楊墨塞路惑  
衆誣民亂罔治予儀衍連合邪說紛紜人欲肆  
予馳倭騁偽孰猶孰薰國殄瘁予有開必先山  
川出雲時之至予哲人挺生獨任斯文出其類  
予泰山岩岩配禹超荀功業熾予命世亞聖醇  
乎其醇崇仁義予紹堯繼舜道傳其身顛不墜

予貴玉賤霸後本塞源拯其弊予性善微有養  
氣知言理昭晰予萬世作則淋我後昆開盲瞶  
予聖賢既沒名教實存宇宙利予堯嚳奕奕泮  
泗法公秀所萃予墓木叢翳萬古夕曛儼清閔  
予春秋歲事有萃諸孫信不墮予牲牲既潔或  
炙或燔神莫嗜予清醑醴醴遺且孔陳禮迺備  
予鍾磬琴瑟無傷奪倫奪理予於穆厥靈來  
格明禋保我嗣予洪武三年春正月日奉議大  
夫山東按察司僉事段明德拜手書



謁廟歌

朱裡太僕丞

惟昔仲尼沒世道日已凋  
橫流儀秦肆奸欺強辨干  
諸侯朝縱復暮橫流  
毒過九州姦變妾婦態媚  
諛弗自羞不有聖賢  
作斯世誰為謀維公繼道  
統獨任蒼生憂異端  
既云關放心知所求岩岩  
泰山象凜凜冰霜秋  
愿聘過齊梁正議不見收  
王政與經界足知公  
大猷知言從養氣足見公  
所脩狂瀾回砥柱絕  
學師孔周坐令戰國間治  
興蓋黃洋戎夷

牧東上及管鄒于馬拜公像  
蕊藻思林  
儼如在正氣文宸旒

謁廟辭

徐有貞都御史

有貞祗命

帝制治水于東堯茲惟載期脩濟之功亦既告成乃  
循山導泉周行泰岱徂徠速由曲阜至鄒嶧祗  
謁

先聖先師林廟時孟氏主祀者翰林院五經博士  
希文而山東藩魯陳雲鵬定同謁馬瞻拜之際



岩岩之氣象儼如生覲而親炙之也爰賦泰嶧  
之篇以識承學景仰之意云曰巍巍泰嶧厥有  
孔聖岩岩嶧山寔生鄒孟維孟繼孔為我先師  
學繇慈訓才亞生知王迹既熄麟經絕筆術變  
申商道亂揚墨人心陷溺其於洪流夫子拯之  
功與禹侔一則曰仁二則曰義仁義之外所不  
言利其黜者伯其尊者王一時之短萬世之長  
伊予小子去後千禩學孟之學事禹之事事也  
匪易勉斯成之學也未至進斯精之

大君之命豈敢怠違先師之訓矧敢或忘河決既  
沿道山及鄒載訪林廟來觀來游爰暨藩參亦  
有雲孫敬將釋菜蘋蘩苾芬浩然之氣凜凜如  
在尚昇予明傳心千載景泰六年夏五月七日  
中憲大夫都察院左僉都御史東海徐有貞拜  
手謹書

謁孟廟

徐毅會事

素王既沒已多年繼統當時屬大賢仁義功勳  
垂七國詩書世澤賴三遺斯文不墜泉歸峽聖



道重明日殿天廟食而今千百祀綿綿瓜瓞見  
曾玄

程敏政中書

緬仰遺容倍慕深岩岩氣象重南金養成慈母  
三遣訓力正生民萬代心仁義擴充開閉塞波  
瀾頓挽起湮沉謾迨往日雄辭辨盛火流行法  
古今

金湜太僕丞

道從東魯得真傳其奈時逢戰國字世尚儀秦

心易失人歸揚墨病難痊先師自廣知言地後學  
誰通養氣天北斗泰山千載下經過有客拜祠前

袁錫會事

高談仁義鄙蘇張力救人心距墨揚拔本塞源昭  
烈日等王賤霸德秋霜九州禹蹟功何下萬世宣  
尼道有先秦岳若岩岩皆自表白雲千仞樹蒼蒼石

李儼香酒

大賢派出世卿家歷聘歸來夢已華書著者七篇傳  
蘊奧道承三聖闢滯邪苟卿性惡那能比神禹功



高未易加母氏遷居資善誨榮封特賜重褒嘉

張憲 御史

絕學遺經類有傳功高神禹祀編編有年封詔雲  
埋礎千古文章日麗天行徑林幽啼野鳥祭田畦  
滿漑春泉曝書臺下三遷地共說師嚴毋更賢

熊璋 訓導

異端競起亂如絲夫屢將傾力不支堅看寸心陳  
善道竟無一語用管將源泉混混流蓬澤喬岳岩  
若仰金儀扶世實

孔公易鄒孝訓導

克循慈母教三遷俎豆雍雍至人賢明辨齊梁  
心愈正闢除楊墨志彌堅曝書臺古依然在斷  
織機尚不浪傳有年偶從祠下謁松楸齋鬱參  
參天

汪舜民 已未進士

異端擾擾杏壇空天命先生啓衆蒙仁義七篇  
承訓誨廟庭一旦識儀容知言不是髡秦辨養  
氣原非黜舍雄五尺兒童談性善至今千載果



誰功

吳從周進士

聖道將湮禮義無先師重墜成揚朱虛名干祿  
紛紛輩若到公祠輒疾趨

題孟子

高某僉事

當時戰國尚兵權難屈曾中浩氣然滅氏九泉  
揚墨倒至今孔孟道如天

趙鼎知府

戰國縱橫際姬周喪亂餘聖經幾掃地為着七

篇書曰

題孟母斷機堂

朱裡太僕丞

亞聖當年齒尚孩三遷家近曝書臺夫人不斷  
機中素那顯經綸命世才

劉濬鄒學教諭

鄒人道學重千年應賴當時母氏賢試問竭來  
機不泚孔門遺緒竟誰傳

葉聰永嘉人

行行出城南函勝紛感觸三遷已無人空堂枕



城足堂前玉樹長堂北萱草綠悠悠思孟軻母  
德温如玉機絲雖已斷道統於焉續誰為阿母  
慈戚戚恩意篤偏愛不知勞乳食生鳩毒所以  
古敬姜荒淫成文歎歎乎亦何為終成敬姜哭  
何如歆機娘慙慙發良勗遺子命世才高攀孔  
顏躅異教歸掃除遺風洒末俗我生千載後舉  
頸遙相矚登堂三嘆餘狂歌寫心曲

馬鞍山孟母墓

汪舜民

古今相去二千年猶有佳城古道邊若不三遷

成子聖封雖馬鬣也徒然

劉濬教諭

馬鞍山色碧崔嵬孟母泉扉閉綠苔昨夜秋風  
啼促織家人疑是斷機來

孟母墓祠贊

定齋馬譽

賢哉孟母性行異常回志貞節守已端莊御居  
鄒邑處鄰惟良三遷之教千古名香歷代奉祀  
血食廟堂子為亞聖配享素王母子之道千載  
彌光後為母者聞風激昂咸知訓子教之義方



敬慕作贊勿謂斐狂

四基山孟子墓

胡紫山題

鄒魯相望一舍過四基山下塚  
崑我千年正路乾坤大一片  
荒祠草棘多書着七篇功不朽  
毋非三徒道如何泰山大字豐碑  
在讀罷徘徊重拊摩

施淵主事

七雄爭戰國丘墟幸得天生  
命世儒斯道遠承群聖統  
嘉言脩載七篇書崑墳雲鎖  
青山暗古

木烟溼夕照虛後學有緣祠下拜  
不勝仰慕重嗟吁

彌天章題

古廟遺鄒邑荒墳對孔林詩書  
慈母訓仁義仲尼心浩氣持剛  
正群辭破遁淫文章垂千古後裔  
仰遺音

劉憲蓬山人

生平浩氣飽曾懷萬古推尊  
命世才吾道若非公自任  
墨揚塞路有誰開



子思書院附

中庸精舍

劉濬教諭

鄒魯當年道欲終天教思孟擅高風一區精舍  
環青草百尺書臺倚碧桐揚墨已箝三寸舌拒  
文休數片時功鷲飛魚躍今猶古千載蒼生入  
穀中

胡選訓導

異端崛起忽如蠶正道當時漸失宗惟有聖孫  
憂最切一間精舍作中庸